

四庫全書

集部

欽定四庫全書

別本韓文考異卷三十一

宋 王伯大 重編

碑誌

南海神廟碑

神或作東。○此篇方從石本集注。此碑石刻
共首云使持節袁州諸軍事守袁州刺史韓
愈。撰使持節循州諸軍事守循州刺史陳諫
書并篆額。其後元和十五年十月一日建

海於天地間為物最鉅。自三代聖王莫不祀事考於

傳記而南海神次最貴在東北西三神河伯之上號為

祝融

洪曰太公金匱云南海之神曰祝融東海之神曰句芒北海之神曰顓頊西海之神曰蓐收。今按

東海神名阿明南海祝融西海巨乘北海禺強亦見養生雜書然公言南海神次最貴則是據太公書矣天

寶中天子以為古爵莫貴於公侯故海嶽之祝犧幣之

數放而依之所致崇極於大神今王亦爵也而禮海

嶽尚循公侯之事虛王儀而不用非致崇極之意也由

是冊尊南海神為廣利王祝號祭式與次俱昇

昇或作升。式

德貞觀之制四海年別一祭各以五郊迎氣日祭之祀官以當界都督刺史充至是封王分命卿監十三人取

三月十七日時備禮兼冊祭其祭儀具開元禮

因其故廟易而新之在今廣州

治之東南海道八十里扶胥之口黃木之灣

烏運切

常以

立夏氣至命廣州刺史行事祠下事訖驛聞而刺史常節度五嶺諸軍仍觀察其郡邑於南方事無所不統地大以遠故常選用重人既貴而富且不習海事又當祀時海常多大風將往皆憂戚既進觀顧怖悸故常以疾為解而委事於其副其來已久

解或作辭

故明宮齋廬上雨

旁風無所蓋障牲酒瘠酸取具臨時水陸之品狼籍蓬

豆薦裸興俯不中儀式吏滋不供神不顧享

供从石本方作恭誤

盲風

上眉庚切盲疾也月令盲風至

怪雨發作無節人蒙其害

方云或謂祕閣

本盲作蠱字見呂氏春秋考石本只作盲月令盲風至注疾風也山海經符陽之山多怪風雨雲之所出也

元和十二年始詔用前尚書左丞國子祭酒魯國孔公

孔幾為廣州刺史兼御史大夫以殿都甸切南服公正直方

嚴中心樂易祗慎所職治人以明事神以誠內外殫盡

不為表褻

蒲報切又音博表褻衣領也

至州之明年將夏祝冊自京

師至吏以時告公乃齋被視冊誓羣有司曰冊有皇帝

名乃上所自署其文曰嗣天子某謹遣官某敬祭

其上或有

其字或作且字官上或有某字。今按其上宜有且字。然石本無之。不欲增也。官上某字石本無之。或以為用。

左傳其官臣偃之語

其恭且嚴如是敢有不承明日吾將宿廟下

以供晨事明日吏以風雨白不聽於是州府文武吏士

凡百數交謁更諫皆揖而退公遂陞舟風雨少弛懼夫

奏功雲陰解駁日光穿漏波伏不興省牲之夕載陽載

陰將事之夜天地開除月星明

稷方云概凡利切說文稷也選何晏景福殿

賦概若幽星之纏連李善音古愛切蜀本作概非是

五鼓既作牽牛正中

方云月令季春之月

踊後先乾端坤倪軒豁呈露祀之之歲風災息滅人厭

魚蟹五穀胥熟

祀之方从石本作祝。今按祝當作明祀共理甚明或疑誤刻今改从諸本

年祀歸又廣廟宮而大之

祀諸本石本皆同方作祝誤

治其庭壇改

作東西兩序齋庖之房百用具修明年其時公又固往

不懈益虔歲仍太和耄艾歌詠始公之至盡除他名之

稅罷衣食於官之可去者四方之使不以資交以身為

帥燕享有時賞與以節公藏私畜上下與足於是免屬

州負逋之緡錢廿有四萬米四萬二千斛賦金之州耗

金一歲八百困不能償皆以丐之

廿有四萬或作十有八萬廿方誤作二十

三或作八加西南守長之俸誅其尤無良不聽令者由是皆

自重慎法

西南或作四面

人士之落南不能歸者與流徙之胄

百廿八族用其才良而廩其無告者其女子可嫁與之

錢財令無失時

廿方作二十嫁下方有者字石本無方誤也時或作所

刑德並流

方地數千里不識盜賊山行海宿不擇處所事神治人

其可謂備至耳矣

或無其字或無耳字

咸願刻廟石以著厥美而

繫以詩乃作詩曰

南海陰墟祝融之宅

陰或作之

即祀于旁帝命南伯吏情不

躬正自今公明用享錫右我家邦

右或作祐

惟明天子惟慎

厥使我公在官神人致喜海嶺之陬既足既均胡不濡

弘俾執事樞公行勿遲公無遽歸匪我私公神人具依

今按此文石本今最易得而方本失考者凡五條然則它云石本者恐亦不能無謬也

處州孔子廟碑

此篇方从石本。韓曰碑記不載年月日第云朝散大夫國子祭酒賜紫金魚袋韓愈撰

自天子至郡邑守長通得祀而徧天下者唯社稷與孔

子為然而社祭土稷祭穀句龍與弃乃其佐享非其專

主

為或作焉然字屬下句而社方無而字句上方有而字皆非是

又其位所不屋而壇

豈如孔子用王者事巍然當座以門人為配自天子而

下北面跪祭進退誠敬禮如親弟子者

跪祭或作拜跪薦祭

句龍

弃

祝曰禮記云云

以功孔子以德固自有次第哉自古多有以

功德得其位者不得常祀句龍棄孔子皆不得位而得

常祀然其祀事皆不如孔子之盛所謂生人以來未有

如孔子者其賢過於堯舜遠矣此其效歟

不如或作無如人或作民

以成作已
孔或作夫郡邑皆有孔子廟或不能修事雖設博士弟

子或役於有司名存實亡失其所業獨處州刺史鄴侯

李繁

繁鄴侯
似之子

至官能以為先既新作孔子廟又令工改

為顏子至子夏十人像

今或作命顏
子或作顏回

其餘六十子及後

大儒公羊高左丘明孟軻荀况伏生毛公韓生董生高

堂生楊雄鄭玄等數十人皆圖之壁

子上或
有二字

選博士弟

子必皆其人又為置講堂教之行禮肄習其中

又為字
或在

中字下置
或作設

置本錢廩米令可繼處以守廟成躬率吏及

博士弟子入學行釋菜禮

菜或作奠。歐陽公曰釋奠釋菜祭之畧者也。古者士之

見師以菜為贄始入學者必釋菜以禮其先師其學官四時之祭乃皆釋菜釋奠有樂無尸而釋菜無樂則又其畧也故其禮亡焉而今釋奠幸存然亦無樂又不偏舉於四時獨春秋行事而已

子弟皆興於學鄴侯尚文其於古記無不貫達故其為

政知所先後可歌也已乃作詩曰

惟此廟學鄴侯所作厥初庠下神不以宇生師所處亦

窘寒暑

生或作先

乃新斯宮神降其獻講讀有常不誠用勸

揭揭

居謁切又音桀又音揭高舉也

元哲有師之尊羣聖嚴嚴大法以

存像圖孔肖咸在斯堂以瞻以儀俾不感忘感或後之作或君子無廢成美琢詞碑石以贊攸始

柳州羅池廟碑

此篇
从石本

羅池廟者故刺史柳侯廟也柳侯為州不鄙夷其民動以禮法三年民各自矜奮茲土雖遠京師吾等亦天氓奮下或有曰字○今按宜有曰字然石本無之不欲補也今天幸惠仁侯若不化服我則非人於是老少相教語莫違侯令凡有所為於其

鄉閭及於其家昏曰吾侯聞之得無不可於意否莫不
忖度而後從事凡令之期民勸趨之無有後先必以其
時於是民業有經公無負租流逋四歸樂生興事宅有

新屋步有新船

步或作涉方云柳子厚鈇爐步志曰江
之游凡舟可縻而上下曰步○今按孔

戮志亦有
泊步字

池園潔修豬牛鴨雞肥大蕃息子嚴父詔婦

順夫指嫁娶莖送各有條法出相弟長入相慈孝先時
民貧以男女相質久不得贖盡沒為隸我侯之至按國
之故以傭除本息奪歸之大修孔子廟城郭巷道皆治

使端正樹以名木柳民既皆悅喜

巷道或作道巷

嘗與其部將

魏忠謝寧歐陽翼飲酒驛亭謂曰吾棄於時而寄於此

與若等好也明年吾將死死而為神後三年為廟祀我

及期而死三年孟秋辛卯侯降于州之後堂歐陽翼等

見而拜之其夕夢翼而告曰館我於羅池其月景辰

唐國

諱丙故廟成大祭過客李儀醉酒慢侮堂上得疾扶出

丙為景

廟門即死明年春魏忠歐陽翼使謝寧來京師請書其

事於石余謂柳侯生能澤其民死能驚動福禍之以食

其土可謂靈也已

福禍或作禍福

作迎享送神詩遺柳民俾歌

以祀焉而并刻之柳侯河東人諱宗元字子厚賢而有

文章嘗位於朝光顯矣已而擯不用其辭曰

荔子丹兮蕉黃

蕉下或有葉字或有子字

雜肴蔬兮進侯堂侯之船

兮

湖湘土人云柳人迎神其俗以一船兩旗置木馬偶人於舟作樂而導之登岸而趨於廟

兩旗度

中流兮風泊之待侯不來兮不知我悲侯乘駒兮入廟

慰我民兮不嘖以笑鵝之山兮柳之水桂樹團團兮白

石齒齒侯朝出游兮暮來歸春與猿吟兮秋鶴與飛

或作

秋與鶴飛。今按歐公以此句為石木之誤。沈存中云非也。倒用鶴與兩字，則語勢愈健。如楚詞云吉日良辰也。但此石本團圓字，初誤刻作團圓，後鑄改之。今尚可見，則亦石本不能無誤之一證也。北方之人

兮為侯，是非千秋萬歲兮。侯無我違，福我兮壽我。驅厲

鬼兮山之左下，無苦濕兮高無乾。秔

古行切

稌徒古切

充羨兮蛇蛟結蟠

言秔稌之穗如蛇蛟

我民報事兮無怠其始自

今兮欽于世世

黃陵廟碑

曾子開曰：湘水出全瀟，水出道二水至永合而為一，以入洞庭。黃陵廟在瀟湘之尾，洞庭

之口孫曰在覃之湘陰縣或云在岳州○此篇方從石本

湘旁有廟曰黃陵自前古立以祠堯之二女舜二妃者

庭有石碑斷裂分散在地其文剝闕

石或作古或無此字

考圖記

言漢荊州牧劉表景升之立題曰湘夫人碑今驗其文

乃晉太康九年又其額曰虞帝二妃之碑非景升立者

秦博士對始皇帝云湘君者堯之二女舜妃者也劉向

鄭玄亦皆以二妃為湘君而離騷九歌既有湘君又有

湘夫人王逸之解以為湘君者自其水神而謂湘夫人

乃二妃也從舜南征三苗不及道死沅

音元沅水出牂柯

湘之

問

及或作返據下文當作及

山海經曰洞庭之山帝之二女居之郭

璞疑二女者帝舜之后不當降小水為其夫人因以二

女為天帝之女

方云石本書璞作樓唐人多然下文揭陽亦作揭揚小水或作小石方云考山

海經作小水是也

以余考之璞與王逸俱失也堯之長女娥皇

為舜正妃故曰君其二女女英自宜降曰夫人也故九

歌辭謂娥皇為君謂女英帝子各以其盛者推言之也

帝上或禮有為字 有小君君母明其正自得稱君也

或無君母二字 書

曰舜陟方乃死傳謂舜昇道南方以死

昇或作升

或又曰舜

死蒼梧二女從之不及溺死沅湘之間今謂竹書紀年

帝王之沒皆曰陟陟昇也謂昇天也書曰殷禮陟配天

言以道終其德協天也書紀舜之沒云陟者與竹書周

書同文也其下言方乃死者所以釋陟為死也地之勢

東南下如言舜南巡而死宜言下方不得言陟方也以

此謂舜死葬蒼梧於時二妃從之不及而溺者皆不可

信

溺下或有死字

二妃既曰以謀語舜脫舜之厄成舜之聖堯

死而舜有天下為天子二妃之力宜常為神食民之祭

今之渡湖江者莫敢不進禮廟下

湖或作潮非是又或作湘

元和十

四年春余以言事得罪黜為潮州刺史其地於漢南海

之揭陽厲毒所聚懼不得脫死過廟而禱之其冬移袁

州刺史明年九月拜國子祭酒使以私錢十萬抵岳州

願易廟之圯楠腐瓦于刺史王堪長慶元年刺史張愉

自京師往與愉故善

刺史王堪上或有州字與上或有余字今按此合有余字然石本

無之不謂曰丐我一碑石載二妃廟事且令後世知有

欲補也

子名愉曰諾既至州報曰碑謹具遂篆其事碑刻之

唐故江南西道觀察使中大夫洪州刺史兼御

史中丞上柱國賜紫金魚袋贈左散騎常侍

太原王公神道碑銘

王氏皆王者之後在太原者為姬姓

或無
之字

春秋時王子

成父敗狄有功因賜氏厥後世居太原至東漢隱士烈

博士徵不就居祁縣因號所居鄉為君子

下或有
鄉字

公其

君子鄉人也魏晉涉隋世有名人國朝大王父玄暕

音東

古限切 歷御史屬三院止尚書郎生景肅守三郡終傳涼

生政襄鄧等州防禦使鄂州採訪使贈吏部尚書公

尚書之第某子公諱仲舒字弘中

蜀作諱弘中字某後墓志同○今按上句

已有公字此不當再出當刪然無別本可據姑存之

少孤奉母夫人家江南讀書

著文具譽藹鬱當時名公皆折官位輩行

下浪切

願為交

貞元初射策拜左拾遺與陽城合過裴延齡不得為相

德宗初怏怏無奈久而嘉之

方無而字之或作其下又有直字

其後入

閣德宗顧列謂宰相曰第幾人必王某也果然月餘特

改右補闕

或無右字

遷禮部考功吏部三員外郎在禮部奏

議詳雅省中伏其能

伏或作服

在考功吏部提約明故吏無

以欺同列有恃恩自得者衆皆媚承公嫉其為人正直

視

方無入字

由此貶連州司戶移夔州司馬又移荆南因佐

其節度事

或無事字

為叅謀得五品服放跡在外積四年元

和初收拾俊賢徵拜吏部員外郎未幾為職方郎中知

制誥友人得罪斥逐後其家親知過門縮頸不敢視公

獨省問為計度論議直其寃由是出為峽州刺史

峽或作硤

方云友人
揚憑也

轉廬州未至丁母夫人憂服除又為婺州刺

史旱甚人死亡且盡公至多方救活天遂雨疫定比數

年里閭完復制使出巡人填道迎顯公德事具聞就加

金紫

顯或
作頌

轉蘇州變其屋居以絕火延隄松江路害絕

阻滯

火上或有其
字阻或作沮

秋夏賦調自為書與人以期吏無及

門而集政成為天下守之最

政或
作化

天子曰王某之文可

思最宜為誥有古風豈可久以吏事役之復拜中書舍
人既至京師儕流無在者視同列皆邈然少年益自悲

而謂人曰豈可復治筆硯於其間哉上若未棄臣宜用

所長在外久周知俗之利病

方無利字非是

俾治之當不自愧

宰相以聞遂得觀察江南西道奏罷榷酤錢九千萬軍

息之無已掌吏壞產猶不釋囚之公至脫械不問

千或作十

人遭水旱賦窘公曰我且減燕樂絕他用錢可足乎遂

以代之

方無足字代下無之字

罷軍之息錢禁浮屠誑誘壞其舍

以葺公宇

息上或有日字

三年法大成錢餘於庫粟餘於廩人

享於田廬謳謠於道途天子復思且徵以代虛吏部左

承位以待之長慶三年十一月十七日薨于洪州年六十二上哀慟輟朝贈左散騎常侍某日歸塋於某處某既以公之德刻而藏之墓矣子初又請詩以揭之

享下或無

於字既上或無
某字某或作愈詞曰

生人之治本乎斯文有事其末而忘其源切近昧陋道由是堙有志其本而泥古陳當用而迂乖戾不伸較是二者其過也均有美王公志儒之本達士之經秩秩而積涵涵而停鞞為華英不矜不盈

英為諸本作英
而華英作英華孰播

其馨孰發其明介然而居士友以傾數文帝階擢列侍

從以忠遠名有直有諷辨過堅懇巨邪不用

堅懇或作聖懇

秀

出班行乃動帝目帝省竭心思顧日渥翔于郎署騫於

禁密發帝之令簡古而蔚不比於權以直友寃敲撼挫

掇竟遭斥奔久淹于外歷守大藩所至極思必悉利病

萎枯以膏燠暘以醒

暘或作腸

坦之敞之必絕其徑浚之澄

之使安其泳帝思其文復命掌誥公潛謂人此職宜少

豈無凋郡庸以自效上籍其實俾統于洪

籍或作籍

逋之攸

除姦訛革風祛蔽于日釋負于躬方乎所部禁絕浮屠

乎或作平

風雨順易杭稻盈疇人得其所乃恬乃謳

所或作鏡謳或


謠

化成有代思以息勞虛位而竦奄忽滔滔維德維績

志于斯石日遠彌高

奄忽方作勿隨又云此銘有美王公不用韻末章三語分兩韻例又

異也。今按銘之卒章績石二句雖自叶韻而末句高字仍與勞滔韻叶非有異



欽定四庫全書

別本韓文考異卷三十一

別本韓文考異卷三十一

欽定四庫全書

集部

別本韓文考異卷三十二至

詳校官通政使_臣夢吉

檢討_臣何思鈞覆勘

總校官進士_臣繆琪

校對官助教_臣卜惟吉

謄錄監生_臣金特

欽定四庫全書

別本韓文考異卷三十二

宋

王伯大 重編

碑誌

司徒兼侍中中書令贈太尉許國公神道碑銘

韓姬姓以國氏

國下或有為字。今按以國氏春秋傳語。

其先有自潁川走

陽夏者其地於今為陳之太康之韓其稱蓋久然

自公始大著公諱弘公之父曰海為人魁偉沈塞以武

勇游仕許汴之間寡言自可不與人交衆推以為鉅人

長者

交或作校方云以上文自可言之作不與人交為是今以下文長者言之又似作不與人校為是更

詳之鉅上方無為字或無以鉅人三字而為上有之字或併無以為鉅人四字官至游擊將軍

贈太師娶鄉邑劉氏女生公是為齊國太夫人夫人之

兄曰司徒玄佐有功建中貞元之間

複出夫人字或作齊國功下或有於

字為宣武軍帥有汴宋毫潁四州之地兵士十萬人公

少依舅氏讀書習騎射事親孝謹侶侶自將不縱為子

弟華靡遊放事

侶侶或作侃侃字與侶同縱或作從

出入敬恭軍中皆目

之嘗一抵京師就明經試退曰此不足發名成業復去

從舅氏學將兵數百人悉識其材鄙怯勇指付必堪其

事司徒歎竒之

兵下或有將字

士卒屬

之欲切

心諸老將皆自以

為不及

方無皆字

司徒卒去為宋南城將比六七歲汴軍連

亂不定貞元十五年劉逸淮死軍中皆曰此軍司徒所

樹必擇其骨肉為士卒所慕賴庇者付之

肉下或有而字

今見

在人莫如韓錫且其功最大而材又俊即柄授之而請

之於天子天子以為然遂自大理評事拜工部尚書代

逸淮為宣武軍節度使悉有其舅司徒之兵與地

其舅或作

舅氏當此時陳許帥曲環死而吳少誠反

方無而字

自將圍許

求援於逸淮啗之以陳歸汴使數輩在館公悉驅出斬

之選卒三千人會諸軍擊少誠許下少誠失勢以走河

南無事公曰自吾舅沒五亂于汴者吾苗孀

樊曰淮南子云聖人

之用兵也櫛髮孀苗所去者少而所利者多而髮櫛之幾盡然不一揃刈不

足令震駭

方云搆苗而髮櫛之淮南子語不下或無一字駭或作駭

命劉鏐以其卒

三百人待命于門數之以數與於亂自以為功并斬之

以徇血流波道自是訖公之朝京師廿有一年莫敢有

謹叟

尼交切

叫號于城郭者

廿方作二十而下無有字

李師古作言起

事屯兵于曹以嚇音赫滑帥且告假道公使謂曰汝能越

吾界而為盜邪有以相待無為空言

作或作詐盜上方無為字

滑帥

告急公使謂曰吾在此公無恐

師或作帥前滑帥字疑亦當作師急或作及無

上或有安字

或告曰翦棘夷道兵且至矣請備之公曰兵來

不除道也不為應師古詐窮變索遷延旋軍

為下或有之字

少

誠以牛皮鞵

與鞋同戶佳反

材遺師古師古以鹽資少誠潛過

公界覺皆留輸之庫曰此於法不得以私相餽田弘正之開魏博李師道使來告曰我代與田氏約相保援今弘正非其族又首變兩河事亦公之所惡我將與成德

合軍討之敢告

非其方作其非非是

公謂其使曰我不知利害知

奉詔行事耳若兵北過河我即東兵以取曹師道懼不

敢動弘正以濟

兵以或作以兵非是

誅吳元濟也命公都統諸軍

曰無自行以遏北寇公請使子公武以兵萬三千人會

討蔡下歸財與糧以濟諸軍卒擒蔡姦

三千淮西碑作二千

於是

以公為侍中而以公武為鄜坊丹延節度使師道之誅
公以兵東下進圍考城克之遂進迫曹曹冠乞降鄆部
既平公曰吾無事於此其朝京師天子曰大臣不可以
暑行其秋之待公曰君為仁臣為恭可矣遂行既至獻
馬三千匹絹五十萬匹他錦紈綺纈又三萬金銀器千
而汴之庫廩錢以貫數者尚餘百萬絹亦合百餘萬匹
馬七千糧三百萬斛兵械多至不可數
五十或作七十初公有
汴承五亂之後掠賞之餘且斂且給恒無宿儲至是公

私充塞至於露積

積子智切王幹秩俸布帛皆露積腐爛

不垣

初公下或有之字無

上或無恒字

冊拜司徒兼中書令進見上殿拜跪給扶贊元

經體不治細微天子敬之

元下或有老字非是

元和十五年今天

子即位公為冢宰又除河中節度使在鎮三年以疾乞

歸復拜司徒中書令病不能朝以長慶二年十二月三

日薨於永崇里第年五十八天子為之罷朝三日贈太

尉賜布粟

年五十八或作八十方考新舊史定從今本方無天子為之四字布粟或作布帛方云按

舊史賞賜米千石

其葬物有司官給之京兆尹監護明年七月

某日葬于萬年縣少陵原京城東南三十里楚國夫人
翟氏祔子男二人長曰肅元某官次曰公武某官肅元
早死公之將薨公武暴病先卒公哀傷之月餘遂薨無
子以公武子孫紹宗為主後汴之南則蔡北則鄆二寇
患公居間為已不利卑身佞辭求與公好薦女請昏使
日月至既不可得則飛謀釣誘以間染我公先事候情
壞其機牙姦不得發卑或作畢至既方作既至非是則
上或無得字釣或作釣染或作謀
先事候情或作先
得事情候或作後
王誅以成最功定次孰與高下公子

公武與公一時俱授弓鉞處藩為將疆土相望公武以
母憂去鎮公母弟充自金吾代將渭北公以司徒中書
令治蒲于時弟充自鄭滑節度平宣武之亂以司空居
汴自唐以來莫與為比公之為治嚴不為煩止除害本
不多教條與人必信吏得其職賦入無所漏失人安樂
之在所以富公與人有畛域不為戲狎人得一笑語重
於金帛之賜畛或作軫非是其罪殺人不發聲色問法何如不
自為重輕故無可犯者或無自為字非是其銘曰

在貞元世汴兵五獠

居例切祝曰獠狂犬也自劉元佐死汴州五亂

將得其人

衆乃一愒

丘例切祝曰愒息也與憇同詩不尚愒焉

其人為誰韓姓許公磔

其梟狼養以雨風桑穀奮張厥壤大豐貞元元孫命正

我宇公為臣宗處得地所河流兩壩盜連為羣雄唱雌

和首尾一身公居其間為帝督姦察其嘖呻與其睨眴

上音詣下音荀祝曰眩也又目動貌淮南子視焉無眴邪視也

左顧失視右顧而跽

切蔡先鄆鉏三年而墟槁乾四呼終莫敢濡常山

成德軍

幽都孰陪孰扶

幽州陪或作悖或作倚

天施不留其討不逋許公

預焉其賚何如

賚或作賴

悠悠四方既廣既長無有外事朝

廷之治許公來朝車馬干戈相乎將乎威儀之多將則

是矣相則三公釋師十萬歸居廟堂上之宅憂公讓太

宰養安蒲坂萬邦絕等有弟有子提兵守藩一時三侯

人莫敢扳

又音班引也春秋傳扳引而立之與攀同

生莫與榮沒莫與令刻

文此碑以鴻厥慶

柳子厚墓誌銘

子厚諱宗元七世祖慶拓跋魏侍中封濟陰公

或無拓跋二字

曾伯祖奭為唐宰相與褚遂良韓瑗俱得罪武后死高

宗朝

高或作中朝或作時

皇考諱鎮以事母棄太常博士求為縣

令江南其後以不能媚權貴失御史權貴人死乃復拜

侍御史號為剛直所與游皆當世名人

游上方無與字

子厚少

精敏無不通達逮其父時雖少年已自成人能取進士

第嶄

士減切又士咸切選嶄絕峯殊狀注險峻貌楚辭何山石之嶄巖注石高貌

然見頭角

衆謂柳氏有子矣其後以博學宏詞授集賢殿正字

或作

授校書郎方云柳集可考或本非是此下方有
藍田尉三字。今按三字下文再見不當重出
傷傑廉

悍議論證據今古出入經史百子

今古或踔 漢非有踔

絕之能注
高遠也

厲風發率常屈其座人名聲大振一時皆慕

與之交諸公要人爭欲令出我門下交口薦譽之貞元

十九年由藍田尉拜監察御史順宗即位拜禮部員外

郎遇用事者得罪例出為刺史

或作貞元十九年拜監察御史王叔文韋執誼

用事拜尚書禮部員外郎且將大用遇叔文等敗例出為刺史。今按方本得婉微之體他本則幾乎抹矣疑初本出書後乃更定也若從初本則上文須補藍田尉三字

未至又例貶州司馬居

閒益自刻苦務記覽為詞章泛濫停蓄為深博無涯溪

而自肆於山水間

水下或有之字

元和中嘗例召至京師又偕

出為刺史而子厚得柳州既至歎曰是豈不足為政邪
因其土俗為設教禁州人順賴其俗以男女質錢約不
時贖子本相侔則沒為奴婢子厚與設方計悉令贖歸
其尤貧力不能者令書其傭足相當則使歸其質觀察
使下其法於他州比一歲免而歸者且千人衡湘以南
為進士者皆以子厚為師其經承子厚口講指畫為文
詞者悉有法度可觀其召至京師而復為刺史也中山

劉夢得禹錫亦在遣中當詣播州子厚泣曰播州非人所居而夢得親在堂吾不忍夢得之窮無詞以白其大人且萬無母子俱往理請於朝將拜疏願以柳易播雖重得罪死不恨遇有以夢得事白上者夢得于是改刺

連州

白上或作上白
改下或無刺字

嗚呼士窮乃見節義今夫平居里

巷相慕悅酒食遊戲相徵逐詡詡

虛甫切
語也

強笑語以相

取下握手出肺肝相示指天日涕泣誓生死不相背負真若可信一旦臨小利害僅如毛髮比反眼若不相識

落陷穽不一引手救反擠之又下石焉者皆是也

救下或有

而此

宜無知夷狄所不忍為而其人自視以為得計聞

子厚之風亦可以少媿矣

少上方無以字

子厚前時少年勇於

為人不自貴重顧籍謂功業可立就故坐廢退既退又

無相知有氣力得位者推挽故卒死於窮裔材不為世

用道不行於時也

死或作尼道上或有而字

使子厚在臺省時自持

其身已能如司馬刺史時亦自不斥斥時有人力能舉

之且必復用不窮

時有或作而有力量作解或能下復出解字皆非是

然子厚

斥不久窮不極雖有出於人其文學辭章必不能自力

以致必傳於後如今無疑也

力以或作以力或無致必二字皆非是

雖使

子厚得所願為將相於一時以彼易此孰得孰失必有能辯之者子厚以元和十四年十一月八日卒年四十

七以十五年七月十日歸葬萬年先人墓側

十一月八日或作十日

月五日七月上或有秋字或無日十字

子厚有子男二人長曰周六始四

歲季曰周七子厚卒乃生女子二人皆幼其得歸葬也

費皆出觀察使河東裴君行立

費或作資

行立有節概立然

諾下立字
或作重與子厚結交子厚亦為之盡竟賴其力葬子

厚於萬年之墓者舅弟盧遵遵涿竹角切上谷有涿縣
涿或作可或作為

人性謹順學問不厭自子厚之斥遵從而家焉逮其死

不去家下或
無馬字既往葬子厚又將經紀其家庶幾有始終

者銘曰

是惟子厚之室既固既安以利其嗣人下既字
或作且

唐故昭武校尉守左金吾衛將軍李公墓誌銘

公諱道古字某曹成王子其先王明以太宗子曹絕輒

復封五世而成王成王諱臯有功建中貞元間

王諱上或

無成字非是以多才能行賞誅為名至今追數當時內外

文武大臣成王必在其間

或無成王字

公以進士舉及第獻

文輿三十卷拜校書郎集賢學士四遷至宗正丞憲宗

即位選擢宗室遷尚書司門員外郎以選為利隨唐睦

州刺史遷少宗正元和九年以御史中丞持節鎮黔中

十一年來朝遷鎮鄂州以鄂岳道兵會平淮西以功加

御史大夫十三年徵拜宗正轉左金吾上即位以先朝

時嘗信妄人柳泌能燒水銀為不死藥薦之

泌或作賁
經云新舊

史李干墓志
石本皆作泌

以故起閭閻氓為刺史不效貶循州司

馬其年九月三日以疾卒于貶所年五十三

月下或
有十字長

慶元年詔曰左降而死者還其官以葬遂以其年某月

日葬于東都某縣

其年或作某年
月上或無某字

公三娶元配韋氏諱

脩脩生子紘紘為進士學

脩方作循
學或作舉

女貢嫁崔氏夫人

隋雍州牧鄆

音

云公叔裕五世孫父士佺蓬山令次配崔

氏諱葑

乙角切又音約
苙其葉謂之葑

生綽紹綰女嫁鄭氏季毗夫

人父昭嘗為京兆尹今夫人韋氏無子父光憲光祿卿其葬用古今禮以元配韋氏夫人祔而葬次配崔氏夫

人於其域異墓

或無用古今禮至而葬十四字非是

公宗室子生而貴富

能學問以中科取名

方無生字非是

善自傾下以交豪傑身死

賣宅以葬銘曰

大支於今其尚有封

大或作本非是尚方作上

當公弟兄未續又亡

弟兄或作兄弟

其遷于南年及始衰誰黜不復而以喪歸

誰或作雖

海豐彌彌萬里于畿載其始終以哀表之

唐故朝散大夫尚書庫部郎中鄭君墓誌銘

君諱羣字弘之世為滎陽人

君或作公

其祖於元魏時有假

封襄城公者子孫因稱以自別

此下或有君其後也四字。今按下文有君其

季也有則不應重出之

曾祖匡時晉州霍邑令祖千尋彭州九隴

丞父迪鄂州唐年令娶河南獨孤氏女生二子君其季

也以進士選

以上方有君字

吏部考功所試判為上等授正字

自鄆縣尉拜監察御史佐鄂岳使裴均之為江陵以殿

中侍御史佐其軍均之徵也遷虞部員外郎

之徵或作戶徵非是

均鎮襄陽復以君為襄府左司馬刑部員外郎副其支

度使事均卒李夷簡代之因以故職留君歲餘拜復州

刺史遷祠部郎中

遷上或有方字非是

會衢州無刺史方選人君

願行宰相即以君應詔

方無會字或無方字君願行作行願者非

治衢五年

復入為庫部郎中行及揚州遇疾居月餘以長慶元年

八月二十四日卒春秋六十

或無居字

即以其年十一月二

十二日從葬於鄭州廣武原先人之墓次君天性和樂

居家事人與待交遊初持一心未嘗變節有所緩急曲

直薄厚疎數也不為翕翕熟亦不為崖岸斬絕之行或熟

作然斬
或作嶄

俸祿入門與其所過逢吹笙彈箏飲酒舞歌詠

調醉呼連日夜不厭費盡不復顧問

方無此
上六字

或分挈以

去一無所愛惜不為後日毫髮計留也遇其空無時客

至清坐相看或竟日不能設食客主各自引退亦不為

辭謝

看或作對看
下方無或字

與之遊者自少及老未嘗見其言色

有若憂歎者豈列禦寇莊周等所謂近于道者邪其治
官守身又極謹慎不挂於過差去官而人民思之身死

而親故無所怨議哭之皆哀又可尚也初娶吏部侍郎

京兆韋肇女生二女一男長女嫁京兆韋詞次嫁蘭陵

蕭瓚

詞或作嗣宗
贊或作讚

後娶河南少尹趙郡李則女生一女

二男其餘男二人女四人皆幼嗣子退思韋氏生也

或四

一作銘曰

再鳴以文進塗闢佐三府治藹厥蹟郎官郡守愈著白

官或
作中

洞然渾樸絕瑕謫

樸或
作璞

甲子一終反玄宅

唐故朝散大夫越州刺史薛公墓誌銘

公諱戎字元夫其上祖懿為晉安西將軍實始居河東

公之四世祖嗣汾陰公諱德儒為隋襄城郡書佐以卒

隋上或無為字襄城有子二人皆貴其後皆蕃以大而其季尤

盛官至邠州刺史邠州諱寶胤有子九人皆有名位其

最季諱縑為河南令以卒

縑或作謙方云世系表作縑

河南有子四

人其長諱同卒官湖州長史贈刑部尚書尚書娶吳郡

陸景融女有子五人皆有名蹟其達者四人公於倫次

為中子仁孝慈愛忠厚而好學不應徵舉沈浮閭巷間

不以事自累為貴常州刺史李衡遷江西觀察使曰州

客至多莫賢元夫吾得與之俱足矣

使下或無曰字

即署公府

中職公不辭讓年四十餘始脫褐衣為吏衡遷給事中

齊映自桂州以故相代衡為江西公因留佐映治

桂或作睦

方云考傳當作桂治方作始屬下文非是

映卒湖南使李弼福建使柳冕交

表奏公自佐詔以公與冕在冕府累遷殿中侍御史冕

使公攝泉州冕文書所條下有不可者公輒正之冕惡

其異于已懷之未發也遇馬總以鄭滑府佐忤中貴人

貶為泉州別駕冕意欲除總附上意為事使公按置其
罪公嘆曰公乃以是待我我始不願仕者正為此耳不
許冕遂大怒囚公于浮圖寺而致總獄事聞遠近值冕
亦病且死不得已俱釋之冕死後使至奏公自副又副
使事於浙東府轉侍御史元和四年徵拜尚書刑部員
外郎遷河南令歷衢湖常三州刺史所至以廉貞寬大
為稱朝廷嘉之某年拜越州刺史兼御史中丞浙東觀
察使

某年或作元和十二年正月廿二日方云前已云
元和四年此不當復出年號他銘亦無書除授月

日者或本非是至則悉除去煩弊儉出薄入以致和富
史下方無兼字

部刺史得自為治無所牽制四境之內竟歲無一事公

篤於恩義盡用其祿以周親舊之急有餘頒施之内外

親無疎遠皆家歸之疾病去官長慶元年九月庚申至

於蘇州以卒春秋七十五卒上或有病字奏至天子為之罷朝

或無奏至二字贈左散騎常侍使臨弔祭之士大夫多相弔者

大夫或作人以其年十一月庚申葬于河南偃師先人之兆

次以韋氏夫人其或作明公凡再娶先夫人京兆韋氏後

夫人趙郡李氏皆先卒子男二人曰沂曰洽長生九歲

而幼七歲矣

沂或作沂方云世系表作沂

女四人皆已嫁愈既與公

諸昆弟善又嘗代公令河南公之葬也故公弟集賢殿

學士尚書刑部侍郎放屬余以銘

故字疑當在上文公之字上刑或作兵

其文曰

薛氏近世莫盛公門公倫五人咸有顯聞公之初志不

以事累

或作不累以事

僂俛以隨亦貴於位無怨無惡中以自

寶

或作中人以自方云此文四句一韻古音寶與壽叶寶或作貴或作實

不能百年曷足

謂壽公宜有後有二稚子其祐成之公食廟祀

別本韓文考異卷三十二

欽定四庫全書

別本韓文考異卷三十三

宋 王伯大 重編

碑誌

楚國夫人墓誌銘

韓弘妻

楚國夫人姓翟氏故檢校御史大夫宋州刺史良佐之
女今司徒兼中書令許國公之妻前廊坊節度使散騎
常侍兼御史大夫公武之母

或無司字坊
或作州非是

夫人在家以

孝友聰明為父母所偏愛選所宜歸以適韓氏韓氏族

大且貴又太尉劉公甥內外尊顯

又或作父非是
公下或有之字

夫人

入門上下莫不贊賀

或作
賢

事皇姑齊國太夫人肅恭誠

至奉養不怠皇姑以夫人能盡婦道稱之六親

能上或
有為字

其事夫義以順其教子愛以公司徒公曰我之能守貴

富不危溢者楚國有助焉耳大夫領梁偏師卒就蔡功

受節居藩為邦家令人父母之教然也夫人以元和十

四年十一月一日薨于廊之公府春秋若干大夫委節

去位奉喪以居東都詔起之辭以羸毀不任即命又加

喻勉強不變天子嗟嘆之

起上或有再字
固下或有守字

長慶二年三

月某日葬夫人于洛陽北山夫人生二子長曰肅元為
太子司議郎以卒贈尚書主客郎中其次大夫公武也

銘曰

翟氏之先蓋出宗周璜顯于魏以佐文侯高陵

翟方進
封高陵

侯相漢義以家酬遷于南陽始自郎苗逮魏晉宋代不

絕史以至夫人太守之子司徒之妻大夫之母公居河

東子在廊時為王屏翰有壤千里

公或作父非是

公曰姑止以

承我祀子曰母兮莫我撫已

莫我或作莫慰

文駟雕軒往來有

煒莫尊于母莫榮于妻從古迄今孰盛與夷用昭厥裔

篆此銘詩

唐故國子司業竇公墓誌銘

國子司業竇公諱牟字某

或作字貽周

六代祖敬遠嘗封西

河公大父同昌司馬比四代仍襲爵名

代或作世字

同昌諱

循生皇考諱叔向官至左拾遺栗

音栗

水令贈工部尚書

尚書於大歷初名能為詩文及公為文最長於詩孝謹

厚重舉進士登第

孝謹厚重又作孝愛謹厚

佐六府五公八遷至檢

校虞部郎中

或無虞部字

元和五年真拜尚書虞部郎中轉

洛陽令都官郎中澤州刺史以至司業年七十四長慶

二年二月丙寅以疾卒其年八月某日葬河南偃師先

公尚書之兆次初公善事繼母家居未出學問於江東

尚幼也名聲詞章行於京師人遲

音釋

其至及公就進士

且試其輩皆曰莫先竇生于時公舅袁高為給事中方

有重名愛且賢公然實未嘗以干有司

嘗下或有字

公一舉

成名而東遇其黨必曰非我之才維吾舅之私其佐昭

義軍也遇其將死公權代領以定其危後將盧從史重

公不遣奏進官職公視從史益驕不遜偽疾經年舉

音預

祝曰昇車也歸東都從史卒敗死公不以覺微避去為賢告

人公始佐崔大夫縱留守東都後佐留守司徒餘慶歷

六府五公文武細麤不同自始及終於公無所悔望有

彼此言者六府從事幾且百人有愿姦易險賢不肖不

同公一接以和與信卒莫與公有怨嫌者

言下或無者字

其為

郎官令守慎法寬惠不刻

令守疑當作守令謂守法令也

教誨於國學

也嚴以有禮扶善遏過益明上下之分以躬先之恂恂

愷悌得師之道

遏或作蓋過或作惡方云漢路溫舒傳遏過者謂之妖言或無益字

公一

兄三弟常羣庠鞏常進士水部員外郎朗夔江撫四州

刺史羣以處士徵自吏部郎中拜御史中丞出帥黔容

以卒庠三佐大府自表先令為登州刺史鞏亦進士以

御史佐淄青府皆有材名公子三人長曰周餘好善學

文能謹謹致孝述父之志曲而不黷

好善學文或作好學善文或作好古

善次曰某曰某皆以進士貢女子三人

上某下或有少字

愈少

公十九歲以童子得見於今四十年始以師視公而終以凡事焉公待我一以朋友不以幼壯先後致異公可謂篤厚文行君子矣其銘曰

后緡

音珉祝曰左傳曰昔有過澆滅夏后相后緡方娠逃自竇歸于有仍生少康克復舊物少康二子曰

杼曰龍留居有

竇逃閔腹子夏以再家竇為氏聖愕樊

史記孔子將西見趙簡子至于河間竇鳴犢舜華之死臨河而嘆美哉洋洋乎丘之不濟此命也夫旋河

犢

少康二子曰龍龍六十引比為引以相嬰撥漢納孔軌

九世孫鳴犢為晉大夫

引比

為引以

相嬰撥漢納孔軌

鳴犢七世子孫嬰漢實嬰相武帝太后好黃老而嬰務

隆推儒術貶道家言此云撥漢納孔軌蓋謂嬰撥漢家

黃老之習而納之孔子之道左氏所謂納民於軌

物前漢叙傳所謂伏周孔子之軌躅也撥一作發後去

觀津

安兄之子充葬觀津充之孫而家平陵而或遙遙

厥緒夫子是承我敬其人我懷其德作詩孔哀質于幽

刻石
或作

唐正議大夫尚書左丞孔公墓誌銘

孔子之後三十八世有孫曰幾字君嚴事唐為尚書左

丞年七十三三上書去官天子以為禮部尚書祿之終

身而不敢煩以政

上上或無三字

吏部侍郎韓愈常賢其能謂

曰公尚壯上三留奚去之果

方無韓字留下或有公字

曰吾敢要君

吾年至一宜去吾為左丞不能進退郎官唯相之為二

宜去

方從杭本無至字云洪引龔勝兩漢俱乞骸骨答詔古者有司年至則致事今大夫年至矣恐未必

然○今按洪所引漢書文理甚明方以欲從杭本之故遂以為未必然而不取殊不可曉今正之一本云君吾二字語尤健但如此則君下却少一

愈又曰古之老於

吾字不敢輒補耳郎官或作郎中
鄉者將自佚非自苦閭井田宅具在親戚之不仕與倦

而歸者不在東阡在北陌可杖屨來往也今異於是公

誰與居且公雖貴而無留資何恃而歸曰吾負二宜去

尚奚顧子言愈面嘆曰公於是乎賢遠於人

於是或作是於於音

烏或無賢字皆非是明日奏疏曰臣與孔幾同在南省數與相見

相上方有孔幾字。今按上下文孔幾字多此不宜有幾為人守節清苦論議正

平或作平正平或作直年纔七十筋力耳目未覺衰老憂國忘家

用意至到如幾輩在朝不過三數人陛下不宜苟順其
求不留自助也不報明年長慶四年正月己未公年七

十四告薨於家贈兵部尚書公始以進士佐三府官至殿中侍御史元和元年以大理正徵累遷江州刺史諫議大夫事有害于正者無所不言加皇太子侍讀改給

事中言京兆尹阿縱罪人詔奪京兆尹三月之俸

三上或無

尹權知尚書右丞明年拜右丞

或作拜左丞或兩皆作左方云幾在元和中未

嘗為左丞蓋權知右丞事踰年而正除右丞長慶二年還自廣州乃為左丞耳新舊史幾傳皆誤南海碑石本可考也而山谷本於為尚書左丞之上從蜀本增一復字蓋於元和兩次除授皆以誤作左丞故又誤謂長慶為再除也陳齊之又改華州刺史明州歲貢海蟲淡菜去拜右丞三字皆非

蛤蚺可食之屬自海抵京師道路水陸遞夫積功歲為

四十三萬六千人奏疏罷之

改華州刺史或在罷貢海物之下方云華州乃輸貢

之途此疏專為遞夫而言也

新史亦可考或無可食二字下邳音圭令笞外按小兒繫

御史獄公上疏理之詔釋下邳令而以華州刺史為大

理卿

外按或作按外。孫曰元和十年以李絳代幾為華州以幾為大理卿。今按唐會要每歲冬以鷹

犬出近畿習狩謂之外按使領徒數百恃恩恣橫郡邑懼擾皆厚禮迎犒百姓畏之如寇盜元和九年裴寰為下邳令疾其擾人但據文供饋使者歸乃諧寰有慢言上大怒將以不敬論宰相武元衡中丞裴度懇救甚切乃釋之即此事也言小兒者蓋以田獵應奉者謂之五坊小兒事見順宗實錄會要亦有小使之名疑即此輩

也十二年自國子祭酒拜御史大夫嶺南節度等使約

以取足境內諸州負錢至二百萬悉放不收蕃舶之至

泊步有下碇

丁定切與碇同
錘舟石

之稅始至有閱貨之燕犀珠

磊落賄及僕隸公皆罷之

賄方作財

絕海之商有死于吾地

者官藏其貨滿三月無妻子之請者盡沒有之

沒下或無之字

公曰海道以年計往復何月之拘苟有驗者悉推與之

無筭遠近厚守宰俸而嚴其法嶺南以口為貨其荒阻

處父子相縛為奴公一禁之

縛或作博或無公一禁之四字

有隨公吏

得無名兒蓄不言官有訟者公召殺之

吏上或有之字

山谷諸

黃世自聚為豪觀吏厚薄緩急或叛或從

觀下或有察字非是

容

桂二管利其虜掠請合兵討之冀一有功有所指取當

是時天子以武定淮西河南北用事者以破諸黃為類

向意助之

武定或作定武類或作願皆非是

公屢言遠人急之則惜性

命相屯聚為寇緩之則自相怨恨而散此禽獸耳但可

自計利害不足與論是非

恨下或有馬字無而散字或馬字在散字下此上或有况

字方無耳字

天子入先言遂斂兵江西岳鄂湖南嶺南會容

桂之吏以討之被霧露毒相枕籍死百無一還安南乘

勢殺都護李象古桂將裴行立容將楊旻皆無功數月

自死嶺南囂然

月或作日非是

祠部歲下廣州祭南海廟廟入

海口為州者皆憚之不自奉事常稱疾命從事自代唯

公歲常自行官吏刻石為詩美之

常自方作自常非是詩或作詞

十五

年遷尚書吏部侍郎公之北歸不載南物奴婢之籍不

增一人長慶元年改右散騎常侍二年而為尚書左丞

曾祖諱務本滄州東光令祖諱如珪海州司戶參軍贈

尚書工部郎中皇考諱岑父祕書省著作佐郎贈尚書

左僕射公夫人京兆韋氏父种大理評事有四子長曰

温質四門博士遵孺遵憲温裕皆明經女子長嫁中書

舍人平陽路隋其季者幼

下温或作遵方云作温與傳合盖晚年皆從温世系表云

四字皆從温非也。今按上文長子已名温質則非晚年從温也豈以嫡庶為異耶然非要切不必強解

之昆弟五人載戡戢戰音衛公於次為第二公之薨戢自

湖南入為少府監其年八月甲申戢與公子葬公于河

南河陰廣武原先公僕射墓之左銘曰

孔世世八吾見其孫

世或作三十方云此銘皆以四言為句作三十非。今按世依字當

作白而長身寡笑與言

白或作自非是

其尚類也莫與之倫也

作耶德則多有請考于文

故江南西道觀察使贈左散騎常侍太原王公

墓誌銘

或有中大夫洪州刺史

兼御史中丞十二字

公諱仲舒字弘中少孤奉其母居江南游學有名貞元十年以賢良方正拜左拾遺改右補闕禮部考功吏部

三員外郎貶連州司戶參軍改夔州司馬佐江陵使改

祠部員外郎復除吏部員外郎

方無復字吏部員外下或無郎字

遷職

方郎中知制誥出為峽州刺史

峽州說已見前

遷廬州未至丁

母憂服闋改婺州蘇州刺史

闋方作缺改或作除

徵拜中書舍人

既至謂人曰吾老不樂與少年治文書得一道有地六

七郡為之三年貧可富亂可治身安功立無愧於國家

可也

樂或作宜文書下或有事字

日語人丞相聞問語驗即除江

南西道觀察使兼御史中丞至則奏罷榷酒錢九千萬

以其利與民

千或作十與民或作丐貧民方云諸本以後語誤入釀戶非盡貧民。今按丐貧民

一語下文已有不應再出方本是也但其說非是除酒榷蓋與民共之使得自釀非直以錢九千萬與釀戶也

又罷軍吏官債五十萬悉焚簿文書

或無文字

又出庫錢二

千萬以丐貧民遭旱不能供稅者禁浮屠及老子為僧

道士不得於吾界內因山野立浮屠老子象

禁方作學。今按作

學非是但下文自有浮屠老子字此不應重出且其文理亦不明白疑此自浮至為六字亦是衍文去之則文理通暢矣但無本可證不敢刪耳界下或無內以其字疑衍以其誑字山或作出立或作去皆非是

丐漁利奪編人之產

編或作經。今按以民為人蓋避諱當作民乃是下求人利害與人

吏約在官數年其蓄積錢餘於庫米餘於廩朝廷選公

卿於外將徵以為左丞吏部已用薛尚書代之矣

或無以字

長慶三年十一月十七日未命而薨年六十二天子為之罷朝贈左散騎常侍遠近相弔以四年二月某日葬于河南某縣先塋之側公之為拾遺朝退天子謂宰相曰第幾人非王某耶是時公方與陽城更疏論裴延齡詐妄士大夫重之為考功吏部郎也下莫敢有欺犯之者非其人雖與同列未嘗比數收拾故遭讒而貶在制

誥盡力直友人之屈不以權臣為意又被讒而出

在或作及

知二元和初婺州大旱人餓死戶口亡十七八公居五

年完富如初方無口字按劾羣吏奏其贓罪州部清整加賜

金紫其在蘇州治稱第一公所至輒先求人利害廢置

所宜閉閣草奏

利或作之李云古本無利字神道碑周知俗之病亦無利字。今按下文廢置

所宜則此句合有利字古本偶皆脫漏不足為据

又具為科條與人吏約事備

一旦張下民無不抃叫喜悅或初若小煩旬歲皆稱其

便

備下或有悉字或有復出事字。今按文勢疑當有悉字在備字上。公所為文章無世

俗氣其所樹立殆不可學曾祖諱玄暎比部員外郎或無

諱字下同祖諱景肅丹陽太守考諱政襄鄧等州防禦使鄂

州採訪使贈工部尚書政或作謀工或作吏公先妣渤海李氏贈

渤海郡太君或無太字公娶其舅女有子男七人初哲貞弘

泰復洵初進士及第哲文學俱善其餘幼也長女壻劉

仁師高陵令次女壻李行脩尚書刑部員外郎脩或作循或作

郎字銘曰

氣銳而堅又剛以嚴哲人之常又方作及哲人作若皆非是愛人盡

已不倦以止乃吏之方與其友處順若婦女何德之光

墓之有石我最其迹萬世之藏

之有或作中之最或作攝或作載方云集韻最

攝之省文。今按方說非也。史漢功臣傳末總計其功皆以最字起之。

殿中少監馬君墓誌

君諱繼祖司徒贈太師北平莊武王之孫少府監贈太子少傅諱暢之子生四歲以門功拜太子舍人積三十四年五轉而至殿中少監年三十七以卒有男八人女二人始余初冠應進士貢在京師窮不自存以故人稚

弟拜北平王于馬前王問而憐之因得見于安邑里第

王軫其寒飢賜食與衣

不下或有能字食上方無賜字云表記君子問人之寒則衣之

問人之飢則食之食與衣皆去聲讀。今按無賜字即不成文食衣並讀如字方云說非是

召二子

使為之主其季遇我特厚少府監贈太子少傅者也姆

抱幼子立側眉眼如畫髮漆黑肌肉玉雪可念殿中君

也

方云畫胡麥切左思嬌女詩眉目粲如畫。今按畫當音胡卦切左詩叶韻故爾髮下或有如字非是念

或作憐方云姑記云王丞相於青疎臺中觀有兩三兒騎羊皆端正可念當是時見王於北

亭猶高山深林鉅谷龍虎變化不測傑魁人也

或無鉅谷二字

退見少傅翠竹碧梧鸞鵠停峙能守其業者也

碧或作蒼業或

作恭非是

幼子娟

於緣切好貌

好靜秀瑤環珥蘭茁其芽稱其

家兒也後四五年吾成進士去而東游哭北平王于客

舍後十五六年吾為尚書都官郎分司東都而分府少

傅卒哭之

分府比見當時分司官之稱號或無此二字非是

又十餘年至今哭

少監焉嗚呼吾未耄老自始至今未四十年而哭其祖

子孫三世于世何如也

句末六字疑衍

人欲久不死而觀居

此世者何也

李本云晁以道乙居字○今按此篇末兩三句不可曉疑而字當作亦字何下當有

如字蓋誤寫著上文也然無
別本可証姑闕以俟知者

別本韓文考異卷三十三

欽定四庫全書

別本韓文考異卷三十四

宋 王伯大 重編

碑誌

南陽樊紹述墓誌銘

補註後山詩話歐陽公謂退之為樊宗師墓誌便似樊文其始出于司馬子長子長為長卿傳如其文惟其過之故兼之也

樊紹述既卒且葬愈將銘之從其家求書得書號魁紀

公者三十卷曰樊子者又三十卷春秋集傳十五卷表

牋狀策書序傳紀誌說論今文讚銘凡二百九十一篇

誌上方道路所遇及器物門里雜銘二百二十賦十詩
無紀字

七百一十九一作十或曰多矣哉古未嘗有也然而必出

於已不襲蹈前人一言一句樊曰國史補云元和之後
文章則學奇于韓愈學澁

于樊宗師退之作樊墓誌稱其為文不剽襲觀絳守居
園池記誠然亦太奇澁矣本朝王晟劉忱皆為之註解

如瑤翻碧澈鬼眼傾耳等語皆前人所未道也歐陽公
跋絳守居園池語云元和文章之盛極矣其奇怪至于

如此又詩曰嘗聞紹述絳守居偶來登覽周四隅異哉
樊子怪可吁心欲獨去無古初窮荒探幽入有無一語

詰曲百盤紆孰云已出不剽
襲包斷欲學盤庚書云云又何其難也必出入仁義

其富若生蓄萬物畢具海舍地負放恣橫縱無所統紀
然而不煩於繩削而自合也嗚呼紹述於斯術其可謂

至於斯極者矣生而其家貴富長而不有其藏一錢而長

方作而長妻子告不足顧且笑曰我道蓋是也蓋下疑有如字皆應

曰然無不意滿嘗以金部郎中告哀南方還言某師不

治罷之以此出為綿州刺史或無嘗字師或作帥方無出字以下文又出觀之宜

有一年徵拜左司郎中又出刺絳州或無刺字綿絳之人至

今皆曰於我有德以為諫議大夫命且下遂病以卒年

若干

病以或作以病

紹述諱宗師父諱澤嘗帥襄陽江陵官至

右僕射贈某官祖某官諱泳自祖及紹述三世皆以軍

謀堪將帥策上第以進紹述無所不學於辭於聲天得

也

得下或有地字或有地出字皆非是

在衆若無能者嘗與觀樂問曰何

如曰後當然已而果然

後上方有某字非是

銘曰

惟古於詞必已出降而不能乃剽賊

方作脫

後皆指前公

相襲從漢迄今用一律寥寥久哉莫覺屬

覺方作學非是神祖

聖伏道絕塞既極乃通發紹述文從字順各識職有欲求之此其躅

中大夫陝府左司馬李公墓誌銘

公諱邗

蒲經切

字某雍王繪之後

繪或作會方從新舊史作繪

王孫道

明唐初以屬封淮陽王又追王其祖父曰雍王長平王

下或有長平生淮陽五字

淮陽生景融景融親益疎不王生務該生

思一思一生岌

魚級切

比四世官不過縣令州佐然益讀

書為行為士大夫家岌為蜀州晉原尉

原或作康

生公未晬

祖對切子生一歲
曰晬說文周年也

以卒無家母抱置之姑氏以去姑憐

而食之至五六歲自問知本末因不復與羣兒戲常默

默獨處曰吾獨無父母不力學問自立不名為人年十

四五能闇記論語尚書毛詩左氏文選凡百餘萬言凜

然殊異姑氏子弟莫敢為敵浸傳之聞諸父

敵方作嬌
非是之聞

或作聞之諸父泣曰吾兄尚有子耶迎歸而坐問之應對橫

從無難諸父悲喜顧語羣子弟曰吾為汝得師

語或作
謂或無

曰字無
吾字

於是縱學無不觀以朝邑員外尉選魯公真卿

第其所試文上等

文下或有為字

擢為同官正尉曰文如李尉

乃可望此其後比以書判拔萃選為萬年尉

或無比字

為華

州錄事參軍爭事韓秦於刺史去官為陸渾令河南尹

鄭餘慶薦之朝拜南鄭

興元府屬縣

令尹家奴以書抵縣請

事公走府出其書投之尹前尹慚其廷中人曰令辱我

令辱我

方云漢張耳傳李良素貴起慚其從官又袁盎還愧其吏公此文與劉昌裔誌皆用此或無復

出令辱我三字

且曰令退遂怨之拾掇三年無所得

方無所字

拜宗

正丞宰相以文理白為資州刺史公喜曰吾將有為也

讒宰相者言之上曰是與其故故得用

方無者字非是

改拜陝

府左司馬公又喜曰是官無所職吾其不以吏事受責

死矣長慶元年正月丙辰以疾卒春秋七十三

方無正月字而

云李本作正月蓋正月十八日也。今按是年辛丑歲丙辰非歲名則為日名而在月下為是方知日辰所直而不以李本補正月字不可曉也公內外行完潔白奮厲再成有家士

大夫談之夫人博陵崔氏朝邑令友之之女其曾伯父

玄暉有功中宗時夫人高明遇子婦有節法進見侍側

肅如也七男三女邠為澄城主簿其嫡激鄜城令

激下或有

為放芮城尉漢監察御史漣洸潘皆進士及公之存內
外孫十有五人五月庚申葬華陰縣東若干里漢韓氏
壻也故予與為銘其詞曰

愈下而微既極復飛其自公始公多子孫將復廟祀廟

作其○今按唐會要禮官議戶部尚書韋損四代祖所
立私廟子孫官卑其祠久廢今損官三品準令合立二
廟此以邢之先嘗有王封而後世官卑不得立廟故云
將復廟祀也然唐制亦非古而本朝立法尤疎畧惟蘇
魏公嘗議立廟與襲爵之法相為表
裏其說為善惜乎當時不施行也

故幽州節度判官贈給事中清河張君墓誌銘

張君名徹字某以進士累官至范陽府監察御史長慶

元年今牛宰相為御史中丞奏君名迹中御史選

元或作二

方云考之史當作元年陳齊之云常疑牛僧孺之為人觀此語則知韓公亦不喜其人矣然牛宰相三字或作

今宰相牛公未知孰是

詔即以為御史其府惜不敢留遣之而密

奏幽州將父子繼續不廷選且久今新收臣又始至孤

怯須強佐乃濟發半道有詔以君還之仍遷殿中侍御

史加賜朱衣銀魚

仍或作乃

至數日軍亂怨其府從事盡殺

之而囚其帥且相約張御史長者毋侮辱轢感我事無

庸殺置之帥所

毋或作無我事下方有無罪二字

居月餘聞有中貴人

自京師至君謂其帥公無負此土人上使至可因請見

自辨幸得脫免歸即推門求出

或無免字

守者以告其魁

與其徒皆駭曰必張御史張御史忠義必為其帥告此

史下方無張字及無告此二字。按告字疑當作言

餘人不如遷之別館

今按餘人二字

疑行而下文不如遷之別館自為一句蓋述其言如此下文又云即與眾出君乃記其事也但無所考不敢輒刪耳或云餘人字不必去其曰遷之別館蓋言今當如此耳亦通

即與眾出君

與或作以君

出門罵眾曰汝何敢反前日吳元濟斬東市昨日李師

道斬于軍中同惡者父母妻子皆屠死肉餒狗鼠鳩鴟

汝何敢反汝何敢反行且罵衆畏惡其言不忍聞

畏下或有

皆字非是或在畏上則或有之

且虞生變即擊君以死君抵死口不絕

罵衆皆曰義士義士或收瘞之以俟事聞天子壯之贈

給事中其友侯雲長佐鄆使請於其帥馬僕射為之選

于軍中得故與君相知張恭李元實者使以幣請之范

陽

恭或作泰

范陽人義而歸之以聞詔所在給船輦傳歸其

家賜錢物以葬長慶四年四月某日其妻子以君之喪

葬于某州某所

四年方云舊本或作二年或作三年按鄆帥馬總也總以二年而為右僕射明

年夏召還當作二年或三年也。今按方說雖如此而其所定之本却作四年今姑從之蓋或喪歸踰年馬既

召還乃克葬也

君弟復亦進士佐汴宋得疾變易喪心驚惑不

常君得閒即自視衣褥薄厚節時其飲食而七筋進養

之

褥或作衾或無養字。今按養字去聲禮曰以其飲食忠養之

禁其家無敢高語出

聲醫餌之藥其物多空青雄黃諸竒怪物劑錢至十數

萬營治勤劇皆自君手不假之人家貧妻子常有饑色

祖某某官父某某官

祖某父某或作祖踐父休

妻韓氏禮部郎中某

之孫汴州開封尉某之女於余為叔父孫女君常從余
學選於諸生而嫁與之孝順祗脩羣女效其所為男若
干人曰某女子曰某銘曰

嗚呼徹也世慕顧以行子揭揭

音

也噎暗

上一結切以
下於金切

為生子獨割也為彼不清作玉雪也仁義以為兵用不

缺折也

缺折或
作折缺

知死不失名得猛厲也自申于闇明莫

之奪也

闇明當作明
闇見說下條

我銘以貞之不肖者之咀

相呵也
音怛

也

方無者字或無之字方云此銘以徹揭割雪折厲奪
咀為韻而行生清兵名闇貞復自為韻厲音烈闇當

讀如諒闇之闇。○今按方說多得之。此銘蓋法兔置魚麗等詩隔句用韻耳。詩隔句用韻先儒所未知。觀公此銘則既識之矣。但闇明二字乙之則韻自叶而義亦勝。若如方說則雖讀闇作鶴韻終不叶而義亦不通也。

河南府法曹參軍盧府君夫人苗氏墓誌銘

或無府苗氏三字或作

范陽盧君夫人苗氏

夫人姓苗氏諱某字某上黨人曾大父襲夔贈禮部尚書大父殆庶贈太子太師父如蘭仕至太子司議郎汝

州司馬

或作別駕方云世系表作永王府諮議參軍

夫人年若干嫁河南法

曹盧府君諱貽有文章德行

府君字或複出河南或作范陽

其族世所

謂甲乙者先夫人卒

或作卒先夫人

夫人生能配其賢沒能守

其法男二人於陵渾女三人皆嫁為士妻貞元十九年

四月四日卒于東都敦化里年六十有九其年七月某

日祔於法曹府君墓在洛陽龍門山

其年或作其明年七或作八

其

季女壻昌黎韓愈為之誌

之下或有銘字而無誌字

其詞曰

赫赫苗宗族茂位尊或毗于王或貳于藩是生夫人載

穆令聞

是或作厥

爰初在家孝友惠純乃及于行克嫺德門

乃及或作享乃克或作光

肅其為禮裕其為仁

為禮方作禮容。今以下句為仁偶之方

說非是

法曹之終諸子實幼煢煢其哀介介其守循道不

違厥聲彌劭

或作既克其家厥問愈劭

三女有從二男知教閭里歎

息母婦思效歲時之嘉嫁者來寧累累外孫有攜有嬰

累累或作累累

扶床坐膝嬉戲謹爭既壽而康既備而成不歎

于約不矜于盈伊昔淑哲或圖或書嗟咨夫人孰與為

儔刻銘寘墓以贊碩休

銘或作石寘或作誌書儔休以古韻叶已見溪堂詩

故貝州司法參軍李君墓誌銘

參軍李翱習之之祖習之嘗自為其皇祖實錄其行治皆如誌所書翱之實錄終曰先祖

有美而不知不明也知而不傳不仁也翔欲傳懼文章不足以稱頌道德光耀來世是以頓首欲假辭於執事者亦惟不斥其愚而為之傳焉意翔乞公銘之辭也

貞元十七年九月丁卯隴西李翱合葬其皇祖考貝州

司法參軍楚金皇祖妣清河崔氏夫人于汴州開封縣

某里

七或作八月下或有一日字開封縣某里或作陳留縣安豐里後開封字同

昌黎韓愈

紀其世著其德行以識其葬

識或作誌

其世曰由梁武昭王

六世至司空

其世或作其詞至或作有

司空之後二世為刺史清淵

侯由侯至于貝州凡五世其德行曰事其兄如事其父

其行不敢有出焉

或無曰字

其夫人事其如如事其姑其於

家不敢有專焉

如或作師

其在貝州其刺史不悅於民將去

官民相率謹譁手瓦石胥其出擊之

刺上或無其字方云据李翱集刺史

嚴正晦也胥或作須或作需或無其字方云史記趙世家太后盛氣胥之入又廉頗傳胥後今註胥猶須也

刺史匿不敢出州縣吏由別駕已下不敢禁司法君奮

曰是何敢爾

或無何字方無爾字

屬小吏百餘人持兵仗以出

或仗

杖立木而署之曰刺史出民有敢觀者殺之木下民聞

皆驚相告散去後刺史至加擢任貝州由是大理

加下有

禮其葬曰或作日方云山谷李謝以古本定翱既遷貝

州君之喪于貝州殯于開封遂遷夫人之喪于楚州八

月辛亥至于開封壙于丁巳墳于九月辛酉窆皮驗切說文窆

葬下棺也周禮反窆執斧是也于丁卯窆方作窆人謂李氏世家也侯之後

五世仕不遂蘊必發其起而大乎四十年而其兄之子

衡始至戶部侍郎君之子四人官又卑翱其孫也有道

而甚文甚文出左傳楚子西曰光又甚文觀翱實錄亦可見甚文矣魯直詩云習之實錄葬皇祖斯文

如女有正色云云固於是乎在或無固字

處士盧君墓誌銘

處士諱於陵其先范陽人父貽為河南法曹參軍河南
尹與人有仇誣仇與賊通收掠取服法曹曰我官司也
我在不可以為是廷爭之以不死河南怒命卒捽之昨捽

沒切捽擊也
卒或作牽

法曹爭尤強遂并收法曹竟奏殺仇籍其

家而釋法曹法曹出徑歸卧家念河南勢弗可敗氣憤
弗食嘔血卒東都人至今猶道之處士少而孤母夫人
憐之讀書學文皆不待強教卒以自立在母夫人側油

油翼翼不忍去時歲母夫人既終育幼弟與歸宗之妹
經營勤甚未暇進仕也年三十有六元和二年五月壬
辰以疾卒有男十歲曰義女九歲曰孟又有女生處士
卒後未名孟下或無又字于其年九月乙酉其弟渾以家有無
葬以車一乘于龍門山先人兆愈於處士妹壻也為其
誌且銘其後曰

貴兮富兮如其材得何數兮名兮壽兮如其人豈無有
兮彼皆逢其臧子獨迎其凶茲命也邪茲命也邪

故太學博士李君墓誌銘

學或作常

太學博士頓丘李于余兄孫女壻也

或無女字

年四十八長

慶三年正月五日卒其月二十六日穿其妻墓而合葬之在某縣某地子三人皆幼初予以進士為鄂岳從事

過方士柳泌從授藥法服之往往下血比四年病益急

乃死

柳泌說已見前乃方作及非是

其法以鉛滿一鼎按中為空實以

水銀蓋封四際燒為丹沙云

鼎下方有以物字實以方作以實

余不知

服食說自何世起殺人不可計而世慕尚之益至此其

惑也在文書所記及耳聞相傳者不說

方無相字

今直取目

見親與之游而以藥敗者六七公以為世誠工部尚書

歸登殿中御史李虛中刑部尚書李遜遜弟刑部侍郎

建襄陽節度使工部尚書孟簡東川節度御史大夫盧

坦金吾將軍李道古此其人皆有名位世所共識工部

既食水銀得病自說若有燒鐵杖自顛貫其下者

顛或作顛

摧而為火射竅節以出狂痛號呼乞絕其茵席常得水

銀發且止唾血數十升以斃

茵或作褥方無常字

殿中疽發其背

死刑部且死謂余曰我為藥誤其季建一旦無病死襄

陽黜為吉州司馬余自袁州還京師襄陽乘舸邀我于

蕭洲屏人曰我得秘藥不可獨不死今遺子一器可用

棗肉為丸服之別一年而病其家人至訊之曰前所服

藥誤方且下之下則平矣病二歲竟卒

其家方作有可所服下方有之

字盧大夫死時溺出血肉痛不可忍乞死乃死

內方作害○今

按古史肉或作寅今淮南子及內經靈樞尚存此體疑此別本害字乃寅之訛而方考之不詳也乃死乃或作

及或無死字皆非是

金吾以柳泌得罪食泌藥五十死海上此可

以為誠者也。斲不死，乃速得死，謂之智，不可也。五穀三牲，鹽醢果蔬，人所常御，人相厚勉，必曰強食。今惑者皆曰：五穀令人夭，不能無食，當務減節鹽醢，以濟百味。

濟或作齊

豚魚雞三者，古以養老。反曰：是皆殺人，不可食。

筵之饌，禁忌十常，不食二三，不信常道，而務鬼怪。臨死乃悔，後之好者，又曰：彼死者皆不得其道也。我則不然。始病曰：藥動，故病去。藥行乃不死矣。及且死，又悔，嗚呼可哀也。已可哀也，已。

江隣幾云：此誌畧不叙于世代行事，不知何也。



欽定四庫全書



別本辭文考異
卷三十一

十四

別本韓文考異卷三十四

欽定四庫全書

集部

別本韓文考異卷三十五

詳校官通政使臣夢吉

檢討臣何思鈞覆勘

總校官進士臣繆琪

校對官助教臣卜惟吉

謄錄監生臣金特

欽定四庫全書

別本韓文考異卷三十五

宋 王伯大 重編

碑誌

盧渾墓誌銘

渾公妻弟也然有銘而無誌焉

前汝父母右汝兄

兄止或有弟字或作後有汝兄方云渾於陵弟也兄弟惟二人汝從

之居視汝如生遷汝居兮日月之良

遷汝或作汝遷于三字汝居

孔固兮後無有殃如不信兮視此銘章

此方作於

號州司戶韓府君墓誌銘

安定桓王五世孫叡素為桂州長史化行南方

長或作刺方云

考世系表李太白去思頌公墓誌行狀皆作長史

有子四人最季曰紳卿文而

能官嘗為揚州錄事參軍事故宰相崔圓

或作參軍二字

圓狎

愛州民丁某至顧省其家後大衙會日司錄君趨以前

大言曰請舉公過公與小民狎至至其家害於政

或無複出

至字圓驚謝曰錄事言是圓實過乃自署罰五十萬錢由

是遷涇陽令破豪家水碾利民田頃凡百萬君諱爰桂

州君之孫司錄君之子亦以能官名少而奇壯而強老

而通

閣本無而強老三字方以為脫

以元和元年六月十四日卒年五

十七

五或作三

娶京兆田氏女

或無女字

男曰家女曰門曰都皆

幼

或無曰門二字

初君樂號之土田山水求掾其州去官猶家

之既卒因以其年九月某日葬州北十里崔長史墓西

葬下

或有字銘曰

凡兆于茲唯其家之材

或作財。今按此句未詳當有脫誤

蓋歸有時

四門博士周况妻韓氏墓誌銘

四門博士周况妻韓氏諱好

或有復出好字

尚書禮部郎中諱

雲卿之孫開封尉諱俞之女開封娶趙氏生二女三男

下開封字或作俞

開封卓越豪縱不治資業喜酒色狗馬趙氏

卒十一年而開封亦卒開封從父弟愈于時為博士

或無

弟字方云舊本皆有。今按公父仲卿與開封之父雲卿為兄弟則公與開封固從父兄弟也

乞分教

東都生以收其孥於開封界中教畜之而歸其長女子

周氏况進士家世儒者

或無復出况字

曾祖諱延潭州長沙

令祖諱晦常州參軍父諱良甫左驍衛兵曹參軍况立

名行人士譽之韓氏嫁九年生一男一女年二十七以

疾卒

疾或作病

葬長安城南鳳栖原其從父愈于時為中書

舍人

父下方本非是儀禮喪服篇有族曾祖父者曾祖之兄弟也其子為族祖父其孫為族父其曾孫為

族兄弟有從祖祖父者祖父之兄弟也其子為從祖父其孫為從祖兄弟有世父叔父者父之兄弟也其子為從父兄弟今韓公於開封及魏州皆為從父兄弟矣於開封之女則公當為從祖父也此但云從父為脫一祖字方作從父兄弟尤誤今無別本不為銘曰

敢輒增祖字且從諸本去弟字

為銘曰

夫失少婦

失或作喪

子失壯母歸咎無處

韓滂墓誌銘

樊曰世系表老成二子湘大理丞滂竇難丞按此誌云滂年十九死蓋未嘗仕也表復誤矣

滂韓氏子其先仕魏號安定桓王滂父老成厚謹以文為韓氏良子弟未仕而死有二子滂其季也其祖諱介為人孝友一命率府軍佐以卒二子百川老成老成為伯父起居舍人某後或無復出老成字或無某字起居有德行言詞為世軌式滂既兄弟二人而率府長子百川早死無嗣其叔祖愈命滂歸後其祖或作早字滂清明遜悌以敏讀書

倍文功力兼人

倍與背同倍文謂背本暗記也周禮注倍文曰諷韓語蓋本此洪譜以為作文

蓋不考此而誤改兼下文復有為文辭字亦不應重復如此也

為文詞一旦竒偉驟長

不類舊常吾曰爾得無假之人邪

或無得字無人字

退大喜謂

其兄湘曰某違翁且踰年懼無以為見今翁言乃然可

以為賀羣輩來見皆曰滂之大進不唯于文詞為人亦

然方無文字詞下或有於字

既數月得疾以死年十九矣

死或作卒

吾與

妻哭之傷心三日而斂既斂七日權葬宜春郭南一里

或無一字嗚呼其可惜也已銘曰

天固生之邪偶自生邪

或無之字

天殺也邪其偶自死邪

或無

也莫不歸於死壽何少多

歸或作悲

銘以送汝其悲奈何

女挈壙銘

女挈韓愈退之第四女也慧而早死愈之為少秋官言

佛夷鬼其法亂治梁武事之卒有侯景之敗可一掃刮

絕去不宜使爛熳

為少或作少為非是方無武字刮方作削

天子謂其言不

祥斥之潮州漢南海揭陽之地

或無漢字

愈既行有司以罪

人家不可留京師迫遣之

或無可字

女挈年十二病在席既

驚痛與其父訣

病或作疾方作
在病無席字

又輿致走道撼頓失食

飲節死于商南層峰驛即瘞道南山下

層峯或
作密

五年愈

為京兆始令子弟與其姆

音戊女師也
姆教婉婉聽從

記曰易棺衾歸

女挈之骨于河南之河陽韓氏墓葬之

京兆下或有尹
字葬上或有而

字女挈死當元和十四年二月二日

和下或
有之字

其發而歸

在長慶三年十月之四日其葬在十一月之十一日銘

曰

汝宗葬于是汝安歸之惟永寧

河南緱氏主簿唐充妻盧氏墓誌銘

夫人盧氏諱某蘭陵太守景柔八世孫父貽卒河南法

曹法曹娶上黨苗氏太師晉卿凡女生三女三男

方云考苗

夫人志當云二男

夫人最長法曹卒苗夫人嫁之唐氏充充明

經或無復出充字

宰相休憬曾姪孫出郝氏

今按郝綺戰反俗郝字與郝字相亂

今流俗郝超字多作郝誤也

外王父昂中書舍人夫人年若干嫁唐

氏凡生男與女九人年四十二元和四年正月二十二

日卒其年四月十五日葬河南府河南縣之大石山下

銘曰

夫人本宗世族之後率其先猷令德是茂爰歸得家九

子一母

得或作其

婉婉有儀柔靜以和命不侔身茲其奈何

刻銘墓石以告觀者

觀或作親方云者音之戈切與何叶吳才老讀如此

乳母墓誌銘

樊曰唐志義有服為乳母服者其服總麻韓曰葬乳母且為之銘自公始。舊本作河南

縣令韓愈乳母李氏

乳母李徐州人

李下或有氏字

號正真入韓氏乳其兒愈

入或作為

下或有愈生未再周月孤失怙恃李憐不忍棄去視保家字

益謹遂老韓氏及見所乳兒愈舉進士第歷佐汴徐軍

見下或有其字徐入朝為御史國子博士尚書都官員

外郎河南令娶婦生二男五女二或時節慶賀輒率婦

孫列拜進壽節下或有受字年六十四元和六年三月

十八日疾卒疾或作病或無疾卒三日葬河南縣北十

五里愈率婦孫視窆封且刻其語于石納諸墓為銘語

誌作

別本韓文考異卷三十五